



**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA TEŠANJ
OPĆINSKI NAČELNIK**

Broj: 02-49-2-212-3/15
Datum: 29.01.2015. godine

Na osnovu člana 30.Statuta Općine Tešanj ("Službeni glasnik Općine Tešanj", broj: 11/07), te na osnovu Odluke o prodaji rabljenih vatrogasnih vozila, broj: 02-49-2-212/15 godine od 29.01.2015. godine, Općinski načelnik raspisuje

**JAVNI POZIV
za prodaju vatrogasnog vozila putem postupka licitacije
sistemom zatvorenih ponuda**

I

Predmet javnog poziva je prikupljanje zatvorenih pismenih ponuda za izbor ponuđača za prodaju rabljenog vatrogasnog vozila.

II

PODACI O VOZILU

Vatrogasno teretno vozilo, DAIMLER BENZ, tip LAF 1113 B, oblik karoserije SG RADNO VATROGASNO, godina proizvodnje 1973., neregistrovano-odjavljeno, snaga motora: 168 KW, zapremina 5638 ccm, dizel, pređeni kilometri 23380 km, vozilo posjeduje vatrogasnu pumpu i rezervoar za vodu 1600 l, vozilo je u voznom stanju.

POČETNA CIJENA VOZILA JE: : 10.000,00 KM

III

KRITERIJ PRODAJE

Vozilo koje je predmet javnog oglasa, prodaje se pojedinačno ponuđaču koji dostavi najvišu cijenu.

Ponude koje budu niže od ponuđene početne cijene neće se uzeti u razmatranje.

U slučaju postignute iste pojedinačne cijene prednost se daje ponuđaču koji je ranije predao ponudu za javni oglas.

IV

NAČIN PRODAJE

Prodaja se vrši putem postupka licitacije sistemom zatvorenih ponuda. Svi zainteresirani potencijalni ponuđači mogu izvršiti uvid u stanje vozila i to svakim radnim danom od dana objave Javnog poziva, do krajnjeg datuma za dostave ponuda (13.02.2015.godine), u vremenu od 08:00 do 17:00 sati, u krugu Vatrogasnog doma, Krndija b.b. 74260 Tešanj.

Sva vatrogasna vozila prodaju se u viđenom stanju, naknadne reklamacije se neće uvažavati.

V

PRAVO UČEŠĆA

Pravo učešća u postupku licitacije sistemom zatvorenih ponuda imaju sva pravna i fizička lica (osim članova Komisije, zaposlenika Općine Tešanj, Profesionalne vatrogasne jedinice, i članova njihovih porodica), koja do početka javnog nadmetanja uplate **200,00 KM**, na račun budžeta Općine Tešanj na broj: **1603000030017690 kod Vakufske banke d.d.**

VI

SADRŽAJ PONUDE

Ponuda treba da sadrži:

Za pravna lica-ponudu dostaviti na memorandumu firme sa pečatom i potpisom ovlaštene osobe, tačan naziv i adresa ponuđača, ovjerenu kopiju rješenja o registraciji, identifikacioni broj o poreznoj registraciji i kontakt telefon.

Za fizička lica- pismenu ponudu i kontakt telefon.

VII

DOSTAVLJANJE PONUDA

- ROK za dostavljanje ponuda je **13.02.2015.godine do 16:00 sati**.
- Ponude dostaviti u zatvorenoj koverti sa naznakom "**NE OTVARAJ**" – za javni oglas za prodaju vozila putem postupka licitacije sistemom zatvorenih ponuda, neposredno na šalter Sali Općine ili preporučeno poštanskom pošiljkom na adresu: Općina Tešanj, Trg Alije Izetbegovića br.11, 74260 Tešanj.

VIII

DAN I MJESTO ODRŽAVANJA LICITACIJE

- Javno otvaranje ponuda uz prisustvo zainteresiranih ponuđača, Komisija će održati 16.02. 2015.godine u (ponedjeljak) u 14:00 sati u prostorijama Službe civilne zaštite, na adresi Krndija b.b. 74260 Tešanj.
- Sve ponude koje pristignu poslije naznačenog roka neće se uzeti u razmatranje.

IX

- Sa odabranim ponuđačem, Općina Tešanj će zaključiti kupoprodajni ugovor o kupovini motornog vozila u roku od najkasnije 7 dana po završetku licitacije. Iznos položen na ime kaucije, vratit će se onim ponuđačima koji ne budu izabrani na javnoj licitaciji u roku od 3 dana od dana otvaranja ponuda, s tim da se položena kaucija neće vratiti odabranim ponuđačima, koji u ovom roku ne zaključe kupoprodajni ugovor sa Općinom Tešanj tj. koji odustanu od kupovine. Ponuđaču koji kupi vozilo, uplaćeni iznos od 200,00 KM se umanjuje od ponuđene cijene, pri konačnom plaćanju.
- Licitiranu cijenu za kupljena motorna vozila, odabrani ponuđač je dužan uplatiti u roku od 5 (pet) dana od dana obostranog potpisivanja ugovora na račun budžeta Općine Tešanj
- Po uplati izlicitirane cijene na ime kupovine motornog vozila, kupci su dužni preuzeti kupljeno motorno vozilo u roku od 5 dana nakon zaključenja ugovora i snositi sve troškove u vezi prijenosa vlasništva.

- Općina Tešanj zadržava pravo da prihvati ili odbije ponude, obustavi ili poništi prodaju motornih vozila po ovom Oglasu u bilo kojoj fazi javne licitacije, sve do momenta uplate kupoprodajne cijene.
- Općina Tešanj ne snosi nikakve troškove prijavljenih ponuđača po ovom Javnom pozivu, te zadržava pravo da ovaj Javni poziv izmijeni ili poništi bez obaveze obrazlaganja i nema nikakvu odgovornost prema prijavljenim ponuđačima.
- Javni poziv će se objaviti na Oglasnoj ploči Općine Tešanj i web stranici Općine Tešanj-www.opcina-tesanj.ba, te u lokalnim medijima.

DODATNE INFORMACIJE

Zainteresovani ponuđači na usmeni zahtjev mogu dobiti kompletan tekst ovog oglasa sa slikama vozila na svoju e-mail adresu.

Zainteresovani sve detaljnije informacije mogu dobiti svakim radnim danom od 08:00 do 15:30 sati odnosno putem telefona na broj **032/650-157**

Kontakt osoba Čeman Hasan, Starješina profesionalne vatrogasne jedinice.

DOSTAVLJENO:

- Oglasna ploča Općine Tešanj
- WEB stranica Općine Tešanj
- Radio "Antena"
- "Smart" televizija
- Komisija za provođenje Javnog poziva
- Služba civilne zaštite-ovdje
- arhiva

S poštovanjem.

Dostaviti:

1. Naslovu,
2. a/a.



Amh
OPĆINSKI NAČELNIK

Suad Huskić
Mr. Sc. Suad Huskić, profesor